

Goibekokale

ELGETA / Barikua / 2003ko martxoaren 7a / 133. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Hiru talde hauteskundeetan

OXEL EROSTARBE

Hasi da botoen lasterketa. Badirudi maiatzeko udal hauteskundeetan hiru talde aurkeztuko direla: EAJ eta EA batera aurkeztuko dira; Batasunak aurkezteko ahalegina egiten dihardu; eta Aralarrek eguaztenean ekin zion programak gertatzeari.

Hauteskunde giroa puri-purian dago Elgetan. Azken urteotan ez bezala, hirugarren talde bat aurkeztuko dela dirudi: Aralar. Talde horrek independente ugari izango ditu bere baitan. Orain dela lau urte moduan, EAJ eta EA batera aurkeztuko dira eta momentuan zerrendak gertatzen dihardute. Garzonen zigorra etorri zen arte, Batasuna moduan jardun zuen alderdiak ere ahalegin guztiak egingo ditu hauteskundeetara aurkezteko.

EAJ-EA, ZERRENDAK EGITEN

Orain dela lau urteko hauteskundeetan moduan, EAJ eta EA batera aurkeztuko dira Elgetan. Orduan, Patxi Basauri izan zuten zerrendaburu. Zerrendak gertatzen hasita daude, eta osatzen

dituztenean emango duten bertan izango direnen berri. Programak lantzeari ere ekin diote.

BATASUNA, ILEGALIZAZIOAREN BELDUR
Momentu honetan Batasuna ezin izango da izen horrekin hauteskundeetara aurkeztu. Seguruenik alderdiaren ilegalizazioa hauteskundearen aurretik gertatuko da, gainera. Gauzak horrela, listak osatzen baino gehiago, hauteskundeetara aurkezteko formulak aztertzen dihardute lehengo alderdi horretakoak ziren kideak. Hauteskundeetan parte hartzea da euren helburua, eta legeak ematen dituen zirrikituak topatzeko ahaleginetan dabilta.

HIRUGARREN TALDEA, ARALAR

Aurtengo ezustekoa izango da. Herriko hainbat lagun batu dira eta zerrendak osatzeko pausoa eman dute bederatzi pertsonak. Taldea zabalagoa da, ordea, eta orain buru-belarri dihardute hauteskunde programak egiten. Aralarretik esan digutenez, garrantzia programei eman gura diete. Onartu digute politika egin baino gehiago, "herrigintza" egin gura dutela eta horretara bideratuko dutela indar guztia.

AURKEZPENA

Elgeta Auzolanian aurkeztu zuten

Aurreko zapatuan aurkeztu zuten, plazan, Elgeta Auzolanian Bilgunea. Jai giroan sortu zuten ezkertiar eta abertzaleen plataforma berria. Eta 50-60 lagunek hartu zuten parte. Ekitaldia txalapartariak zabaldu zuten; gero, erretratua atera aurretik, plataforma sortzeko arrazoiak eta zergatiak adierazi zituzten. "XXI. mendearen hasiera honetan, egoera latzak bizi izaten ari gara, Euskal Herriaren aurkako erasoak gogortzen ari dira, gure hizkun-

tza, kultura, ikurrak edo gure izan nahiaren aurka dabilta. Ezkertiar abertzaleoi bidea moztu nahi digute, gure ideiak eta asmoak ezabatuz".

LEHENENGO BATZARRA, BIHAR

Elgeta Auzolanian Bilguneak bihar, zapatua, egingo du lehengo batzarra. Udaletxean izango da, 16:00etan. Plataforma zelan egituratu eta zelan antolatu erabakiko dute. Eta helburu zehatzak markatuko dituzte.



Aurkezpeneren ostean, erretratua atera zuten Elgeta Auzolanian Bilguneok.

LABUR

Ekintza ugari, gaztetxian urteurrena dala-eta

Gaztetxiak zazpi urte bete dittuala-eta, herriko gazteiek antolatutako ekintzak gaur hasiko dira. Bihar Emakumien Eguna dala eta, gaur, 19:00etan, tratu txarren gaineko berbaldixa egingo dabe Emakundeko teknikarixak. Gero merienda egingo dabe. Bihar, 22:30ian, Morau eta Agotas taldien kontzertua egingo da gaztetxian bertan.

Martxuan, bestiak beste, arrazismuan gaineko kafe-tertulixia, erretratu erakusketia, Umien Eguna, Ttak eta Cyprinidians taldien kontzertua antolatu dittue.

Korrikan aldeko batzordian batzarra astelehenian

Datorren astelehenian, martxuak 10, batzarra egingo dabe Korrikan aldeko batzordiek. Batzarra 19:00etan izango da, liburutegixan. Korrika dala-eta zenbait ekintza izango dira apirillean: bestiak beste, Kutsidazu bidea, Exabel antzerkixa eta Txan magoa.

Elgetako 'Egunkaria batzordeak' harpidetzak egiteko dei egin du

O.E.

Egunkaria-n lanean diharduten bi elgetarrek, Beatriz Zabalondok eta Haritz Gallastegik, Egunkaria-ren aldeko batzordea aurkeztu zuten Elgetan. Herriko elkarteei dei egin diete hurrengo hilabeteotan aurrera eramango diren ekimenak lankidetzan egiteko.

Jende asko gerturatu zen astelehenean Egunkaria-ren aldeko batzordearen aurkezpenera. Beatriz Zabalondok eta Haritz Gallastegik eman zituzten azalpenak.

Gertatu denaren eta dauden egoeraren berri eman ostean, aurrera begira dituzten erronken gainean jardun zuten. Erronka nagusia ahal den epe laburrenean Egunkaria berrituko erabakia izatea da. Epaileak zein erabaki hartuko zain ere badaude, lehen zituzten bulegoak eta izena erabiltzea izango duten jakiteko. Hurrengo asteotan Egunero argitaratzen jarraitzeko asmoa dagoela esan zuten, eta egunek aurrera egin ahala orri kopurua handituko dute. Herriko elkarteei Egunkaria-ren aldeko batzordea etortzeko dei egin zieten. Izan

ere, batzorde horretatik bidertuko dira Egunkaria-ren alde egingo diren ekimenak.

HARPIDETZAK EGITEAREN GARRANTZIA

Herritarrei Egunkaria-ko harpidedun egiteko dei egin die batzordeak. Harpidetzak egin edo informazioa jaso gura dutenek liburutegian izango dute horretarako aukera. Egunkaria-ren aldeko materiala ere bertan egongo da salgai. Kontseiluak dei egin du datorren egunean herri guztietan ekitaldiak egiteko. Zehaztuta ez dagoen arren, Elgetan ere izango da ekitaldiren bat.



Beatriz Zabalondo eta Haritz Gallastegi izan ziren azalpenak ematen.

JARDUNABALKOITTIK



Oxel Erostarbe

Diarixua erosixena

Periodikua herritarren % 15ak erosten dau gure herrixan. Salduenen zerrendan *Diario Vasca* dago lehenengo, 80 ale; bigarren postuan diarixoa deportibua, danera 20; gero *Egin*-en semia, 15 ale; hurrengo abertzalietan azkena, jeltzaliena 10 ale eta zerrenda ixten *El Pais*, 3 ale. *La Razon* eta *ABC* esposiziñuan dare, ale bat bera be ez... Normalian.

Euskaldunon

Egunkaria-na ez naiz ahaztu. Bataz beste 15 *Egunkaria* saltzen ziran gure herrixan. Itxi eta hurrengo hiru egunetan, 50 *Egunero* saldu ziran, hurrengo astian 40 eta oingo astian 30. *Egin*-etik *Gara*-ra bidian antzerakua pasatu ei zan. Berotasuna hoztu: 50 ale, 40 ale, 30 ale...

Elgetarron % 92 euskaldunak gara. Eta etxe gehixenetan *Diarixua* nagusi. Euskerazko egunkari barrixa bidian dago. Donostiako manifestaziñuan eta Elgetan urtietan egin dan konzentraziño haundixenian, *Egunkaria*-n alde egin ostian, oin, euskerazko egunkarixan alde egitteko ordua heldu da. Momentuan garrantzitsuena harpidetzak egittia ei da. Udalak eredu izan bihar leuke eta liburutegirako harpidetzia egin.

IÑAUTERIXAK

Koadrilla gehixenak mozorrotuta, jai girua izan zan nagusi Elgetako Iñauterixetan

O.E.

Giro aparta izan zan aurreko barikuan, Iñauterixak zirala-eta. Danerako mozorruak ikusteko aukeria izan giñuan: fuel-olixua jasotzen jardun zebe bi lagun, labadorak, sorgiñak, torerak, Gabonetako arbolak, infernuko aingeruak, futbol amerikarreko jokalarixak, *Egunkaria*-n zaliak... Arratsaldian hasi ziran Iñauterixak gure herrixan. Eskolan jolasak izan ziran umiendako, eta gero, gurasuak gertautako txokolatadia izan zebe Ozkarbi elkartian. Eguna illundu ahala, umiak etxeruntza eta nagusixaguak hartu zittuen kaliak. Illuntzerako baztarrak nahasten hasi ziran. Etxafleruen zaratiak lo egittia eragotzi zotzen etxian geratu ziranei; kalian, barriz, jai-xa nagusi. Gaztetxian dantza egin ostian, plazan batu ziran mozorrotutakuak. Zezenetan egin ostian, mozorrotuta zeren tabernetara... Urtero moduan, goizeko argixakin topo egin zebe batek baiño gehixagok. Originalenak hasi dira Ferixa Nagusixetarako mozorruak gertatzen.



Askotariko mozorroak ikusteko aukera izan dugu aurtengo Iñauterixetan; hurrengo mozorro eguna jaietan izango da.

Estampaciones Intxorta, txapelaldun

O.E.

Aurreko domekan, Eibarko Saskibaloia Txapelketa irabazi zuen Estampaciones Intxortak. Azken partidua jokatu orduko Estampakoek bazekiten liga irabazia zutela. Hala ere, azken partiduan 58-37 irazi zioten sailkapenean bigarren zegoen Bar Azitaini. Elgetarrek lan bikaina egin dute txapelketan. Parte hartu duten zazpi taldeak baino hobek direla erakutsi dute partidu gehixenetan. Esan behar da, ordea, Eibarko Saskibaloia Txapelketa-ko mailak behera egin duela.

Eibarren saskibaloiarekiko zale-tasanak beherakada nabarmena izan du. Lehenago, 24 taldek hartzen zuten parte txapelketa horretan, eta Elgoibarko, Ermuko eta Arrasateko taldeek ere hartzen zuten parte. Elgetarrei ez zaie meriturik kendu behar, ordea, urte batetik bestera euren mailari eutsi diote-eta.

ASTE BUKAERAN HASIKO DA KOPA
Domekan, 16:30ean, Eibarko Celtics taldearen aurka jokatuko dute Estampaciones Intxortako mutilek. Iaz moduan, aurtan ere Kopa irabaztea dute helburu.



Aurtan ere Kopa irabaztea dute helburua Estampaciones Intxortako mutilek.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea •
- Reflexologia •
- Hidromasajea •
- Kirol masajea •



- Solariuma •
- Drenaje linfatikoa •
- Algekin eginiko estalkia •

Dei ezazu 646 50 00 29 telefonora ordua eskatzeko

Aperribay, s.l.

Marmoldegi eta granitoak

Pagatza indus. z/g. Tel. eta faxa: 943 78 90 21

20690 ELGETA

BOLATOKI

Taberna
Eguneko menua

Asteburuan menu bereziak, ospakizunak eta agur-afariak

Karta enkarguz

Artetale 2, ELGETA. 943 76 82 84

ERRETRATUZAHARRA

BERGARA

Pertxako
gaztetxo
futbol taldea

Pertxa elkarteko futbol taldea duzue hau. Garai baten Seminarioan jokatzeko zen herriko futbol txapelketa, eta finalak Pazkoetan izaten ziren. Hainbat mailatan banatuta talde asko izaten ziren lehian, eta ikusle asko hurreratzen zen partidua ikustera. Alboko argazkia 1976aren ingurukoa da, Pertxako gaztetxoek kopa bat eskuratu zuteneko. Juan Egaña *Pitia* zen entrenatzailea, eta sasoi hartan Realean zebilen Agustin Arantzabal *Gaztelu*-k eman zien trofeoa.

Honako hauek agertzen dira eskumako argazkian, ezkerretik eskumara. Zutik: Eukeni Zabala, Jaime García, Asier Madinabeitia, Agustin Arantzabal *Gaztelu*, Joxe Lazkano, Gotzon Zabala, Mari Angeles Alkorta eta Joseba Moñux. Makurtuta: Juan Egaña *Pitia*, Eneko Azkarate, Mikel Lazkano, Josu Lazpiur, Josu Inclán eta Jon Ander Egaña.

Argazkia: Jon Ander Egaña



ADI, IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

BERGARA

Bergara, orain
dela 70 urte

Ezkerreko irudiaren eta eskumakoaren artean 70 urte inguruko aldea dago. Jasotako datuen arabera, ezkerreko erretratua 1931n ateratakoa izan daiteke. Bidekurutzetako Zabala jauregia botata zegoen ordurako. Bestalde, garai baten garrantzi handia izan zuen Textil Lasagabaster enpresa, beheko estazioa, Bergarako Seminarioa edo San Pedro eliza ikusten dira ezkerreko irudian.



≈ 1930

Bergarako bista bat 1930eko hamarkadaren hasieran. Behean ikusten dira beheko estazioa eta Textil Lasagabaster enpresa.



2003

Surratik ateratako argazki honetan herria zelan handitu den antzeman daiteke. Ortuak zeuden lekuan, esaterako, etxebizitzak egin zituzten.



Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21

OILAGORRA
TABERNA

Barrenkalea 21 BERGARA

MUJIKA FERRETERIA

BERGARAKO ENPRESA ETA HERRITARREN ZERBITZURA

Bidekurutzeta 8. 943 76 28 67. BERGARA

U
UNIFE KOOPERATIBAKO KIDE

GREMIOEN GIDA

zure etxearen osasun onerako

ARREGI AROZTEGIA



Urteaga 20
943 76 11 73
Erakusketa:
Bidekurutzeta 38
943 76 31 03

- Orotariko arotz lanak
- Sukaldeak
- PVC leihoak



Informatika aholkulariak

Eguzki auzoa
5, behea
ANTZUOLA
943 76 65 13
F 943 76 65 14

- Gremio guztietarako programazioa
- Ekipo osoa instalatuko dizugu



AGIRRE MARGOAK

Ortuibar 1, 3-C
943 76 53 82
Tailerra:
Alkabieta 7

- Orotariko pintaketa lanak



UR kristaldegia

Martoko 1-3
943 76 54 68

- Ispiluak
- Beirateriak
- Biselatuak
- Plastikokoak

UGARTE AROZTEGIA-ALTZARIAK

San Juan 1 A
943 76 54 91
F 943 76 08 04

- Orotariko arotz lanak
- Apainketa, soruak, leihoak, atek



UREDERRA ITURGINTZA

51 p.k.
686 943 918

- Iturgintza
- Berogintza
- Aire egokitua
- Konpondu eta saldu

El izarra elektrizitatea

Zubieta 10
943 76 54 10
943 76 19 99
943 76 10 60

- Orotariko instalazio elektrikoak

BERGARA Margoak


Amillaga 1, 1. pab.
162 p.k.
943 76 97 31
F 943 76 97 32
bergara.margoak@terra.es

- Orotariko pintaketa lanak
- K-21 agiria



GRUPO **RKUZ** 1950-2003

Zure etxea da



Araba etorbidea 20
Tel./Faxa: 943 79 23 51
ARETXABALETA



Araba Etorbidea 5
Tel./Faxa: 943 79 41 82
ARRASATE



Mitarte 3
Tel./Faxa: 943 77 04 55
ARETXABALETA



Andramari auzunea 1
Tel./Faxa: 943 79 10 97
ARETXABALETA

